

## URTEAN ZEHARREKO XV. DOMEKEA - B

### SARRERAKO OHARKIZUNA

Egunon eta ondo etorriak, guztiok.

Domeka honeetako ebanjelioan, apostoluak Barri Ona zabaltzera bialtzen ikusten dogu Jesus. Berbaz eta egitez, salbamenaren poza eroango deutse geisoei, baztertuei, behartsuei.

Meza santu honetan, onartu dagigun Jaunaren Barri Ona eta prestau gaitezan gero bialduak izateko, Jaunaren Barri Ona leku guztietara eroateko.

*"Argiaren seme eta..."*

### DAMU-OTOITZA

Senideok, Jaungoikoak deuskun maitasuna gogoan hartuz eta guri parkatzeko prest da-goala jakinik, autortu dagigun geure pekatua eta parkamena eskatu dagigun:

- Jesus Jauna, zeure odola isuriz birrerosi gaituzuna. ERRUKI, JAUNA.
- Jesus Jauna, zeure kurutze ta biztueraz Jaungoikoaren seme-alaba egin gaituzuna. KRISTO, ERRUKI.
- Jesus Jauna, Jainkoaren Erreinuan bizitzeko aukeratu gaituzuna. ERRUKI, JAUNA.

## HITZAREN LITURGIA

### Am 7, 12-15:

Jaungoikoak Amos artzaina aukeratu dau israeldarrei bere berbea iragarteko. Amos-ek gizarte haretako injustiziak salatuko ditu Jaungoikoaren izenean, baina herriko nagusiek ez dabe onartuko haren berbea.

**Erantzun-Salmoa:** *"Entzun, guztiok, Jaunaren Hitza..."*

### Ef 1, 3-14:

Gaur eta hurrengo domeketan, San Paulok efesotarrei egindako karteia dogu bigarren irakurgai. Idazki honen sarreran, kantu eder baten eran, Jaungoikoak Kristogan beteten daua-la gu salbatzeko asmoa esango jaku.

### Mk 6, 7-13:

Jesusek binan binan bialtzen ditu apostoluak ebanjelioa iragartera. Bialduak gatzaren aurka jokatu behar dabe eta Barri Ona zabaldu. Zutunduta, *"Aleluia"* abestuz, goratu daigun Jauna.

### JAINKO HERRIAREN OTOITZA

Senideok, bere seme-alaba izateko aukeratu gaituan Jaungoiko Aitari uste osoz otoitz egin deiogun:

- Gizadi osoaren alde: injustizia eta zapalketa guztietatik askatuta, bake bidean aurrera egin dagiala. ESKATU DEIOGUN JAUNARI.
- Elizearen eta kristau guztien alde: Jaungoikoak "bialduak" gareala jakinik, bildur barik jokatu dagigula zuzentasunaren, maitasunaren eta askatasunaren alde. ESKATU DEIOGUN JAUNARI.
- Geisoen alde, lanik ez daukenen alde, baztertuen alde: behar daben laguntza jaso da-giela Jaunagandik eta hurkoakandik. ESKATU DEIOGUN JAUNARI.
- ...
- Gu guztion alde, gure etxekoen eta lagunen alde: Jaungoikoaren bakea eta maitasuna geure inguruan zabaltzen jakin dagigula. ESKATU DEIOGUN JAUNARI.

Jainko Jauna, zaindu egizu maitasunez zure herri hau eta lagundu egiozu zure erreinuko zorionera heldu arte. Jesukristo gure Jaunaren bitartez. Amen.

## **AZKEN AGURRA**

Mezea amaitzean, abadeak, Jesusen izenean, "*Zoaze Jaunaren bakean*" esan deusku: Barrri Ona zabaltzera, on egitera bialduak gara, aldi haretan apostoluak bialduak izan ziran lez. Zintzo jokatu dagigula Jaungoikoaren Erreinuaren alde.

*"Jainko gizon eginari..."*

## **OHARRAK**